

جريدة محاکمه

جمعه ایرتسی

لومرو	رجب	سنه	شباط	سنه	صحیفه
۵۸۷	۱۹	۱۳۰۸	۱۶	۱۳۰۶	۸۵۱۱

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولوق اوزره یوز باره یه هر یرده صاتیلمور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیائلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

ریاستی مکتب حقوق شاهانه مأذونلرندن عثمان
 زکی افندی یه

موصل ولایتی بدایت محکمه سی مدعی عمومی
 معاونلکی مکتب حقوق شاهانه مأذونلرندن
 موسی کاظم افندی یه

لوله برغوس بدایت محکمه سی مدعی عمومی
 معاونلکی قیر شهری مدعی عمومی معاونی ضیا
 بکه

قیر شهری بدایت محکمه سی مدعی عمومی

قسمت رسمی

توجیهات

موصل ولایتی بدایت محکمه سی جزا دائره سی
 ریاستی بتلیس ولایتی بدایت محکمه سی جزا
 دائره سی رئیس جیل افندی یه

بتلیس ولایتی بدایت محکمه سی جزا دائره سی

معاونتکی انقره ولایتی استیناف محکمه سی باش
کاتبی شوکت افندی به تفویض بیورلمشدر .

(فی ۲ رجب سنه ۳۰۸ و فی ۳۰ کانون ثانی)
(سنه ۳۰۶ تاریخنده بالجهه ولایات استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمومی معاونلرینه)
(یازیلان تحریرات عمومی صورتیدر)

دفتر خاقانی نظارت جلیله سنه منسوب
مأمورینک درسعادته کی کفلانک تدقیق احوالی
صرهده ازمید دفتر خاقانی مأموری عزیز فائق
افندی کفیلنک جانب حجازه عزیمت ایلدیکی
تین ایتمسندن ناشی درجه ثروت و اقتداری
ایچون درسعادت مقاولات محررلکنجه معامله
تصدیقیه ایفا اولنه مدینی بیانیله بومثللو دیار آخره
کیدن کفلا حقنده نوجهله معامله اولنه جنی
نظارت مشار الیهادن استفسار اولنمسی اوزرینه
ایجابی مجلس مالیه جه لدی المذاکره کفالت

نظامنامه سنک یدنجی ماده سنده کفالتیه مر بوط
مأموریندن اثنای مأموریتده کفیلنک برسبیل
ثروت و اقتدارینه خلل کلدیکی و یا وفاقی و یا خود
کفالتدن استفعاسی وقوعبولدینی حالده تجدید کفالتیه
مجبور اوله جنی محرر و کفلانک هر الی آیده بر
تحقیق ثروت و اقتداری مقرر اولوب مأمورینک
درسعادته ارأه ایلدیکری کفلادن دیار آخره
نقل مکان ایدنلر ایله طشریه عزیمت ایدوب
عودتاری مشکوک اولانلرک بوراچه تحقیق احوالی
قابل اوله میه جفته بنشاء بو مقوله لک ثروت
و اقتدارینه خلل کلش کفلادن عد اولنه رق
تبدیللری ایجاب مصلحتندن ایسهده صورت موقته
ومعینهده و خصوصیلر برای حج شریف حجازه
عزیمت ایدنلر حقنده بویولده معامله به محل
اوله میه جنی و بونلر حاضر ایکن ثروت و اقتدارلرینه
خلل کلوب کلدیکی مقاولات محررلکنرنجه نیولده
تحقیق ایتدیرلمکده ایسه حاضر اولدقلری حالده
دخی او صورته تحقیق احوالی ایله معامله لازمه
اجرامی لازم کله جکی بوکره مالیه نظارت
جلیله سندن بیان و اشعار قلمش و برای معلومات
لازم کلانلره اجرای تبلیغات اولنمق اوزره
اشبو تحریراتک نسخ مطبوعه کافیه و مصدقه می

لفاً ارسال اولنمش اولدینی بیانیله شقه محی
ترقیم قلندی .

(فی ۹ رجب سنه ۳۰۸ و فی ۶)
(شباط سنه ۳۰۶ تاریخنده بالجهه ولایات)
(استیناف محکمه سی مدعی عمومیلرینه ومدعی)
(عمومی بولنمیان محللر مدعی عمومی معاونلرینه)
(یازیلان تحریرات عمومی صورتیدر)

درسعادت و طشریه محاکم دوائر عدلیه سنده
استیفا اولنان خرج و رسومک تأمین جیات
و اداره سی ضمنتده با اراده سنه ترتیب و اعمال
ایتدیریلان پوللرک کرک صورت صیاتی و کرک
تعایات مخصوصه سنه توفیقاً اخذ و صرفی امرنجه
دقت و اهتمام ایلدیکی استخبار اولنمش و بو
ایسه اشبو پوللرک احدانندن مطلوب و منتظر
اولان فوآندی کلیاً اخلال ایله جکی جهته رهین
جواز اوله میه جنی بدیی بولنمش اولدیفندن بعدما

بوللرک کرک محافظه سی و کرک اخذ و صرفی
خصوصنده اهمال و تکاسل ایدن مأمورین عدلیه
نک در حال عزل و تبدیللریله برابر قانوناً دخی
دوچار مجازات ایلدیه جکری مقرر اولغله اکا
کوره معامله اولنمسنک لازم کلنلره تبلیغی ضمنتده
اشبو تحریراتک نسخ مطبوعه کافیه و مصدقه می
لفاً ارسال قلمش اولغله ایفای مقتضاسی خصوصنه
همت

قسم غیر رسمی

(اوچوز بش سنه سی تشرین تائیسنک اون)
(یدنجی جمعه کونی غیوبت ایدوب شهر)
(مذکورک یکر می بشنجی کونی طوقیو)
(خارجنده واقع قویی دروننده نعشی بولنمش)
(اولان خاصه اردوی همایونی بشنجی آلاپی)

قولتولرینه و شربتجی حسنده ارقه سنه کوروب
خانه دن طیشارو چیقارهرق مولویخانه قیوسنه
طوغری کوتورمش ایدوکاری و صکره قیونک
اشکند و دیوارده قان کوردیکی سولیش ایسه ده
بوفاده سنک اصلی و اساس اولدیغی ولدی السؤل
قرنداشنک قولتوغنده بریاره چیقوب اغزندن
بورندن کلان دمی والده سی طاسک ایچنه
اقدیرمش اولدیغندن پولیس مأمورلری خانه یی
تحریر ایتدکاری وقت مذکور طاس کره وت
التدن چیقاروب الدقلری افاده ایتملریله وساعت
دخی اون بریجه کلکله متهملردن عربی محمدک
باستدما اقامه ایلدیکی مدافعه شهودینک افاده لریله
ادعا ومدافعاتک استماعی وقت آخره تعلیق قلنهرق
طرفینه تفهیم اولدی .

(ایکنجی محاکمه)

سنه مذکوره تشرین ثانیسنک اوچنجی جمعه
ایرتسی کونی متهمون مرقومون علی الاصول
توقیفخانه دن جلب ایله وکیللری مومی الیها
یانلرنده اولدقلری ومدعی عمومی معاونی مصطفی
افندی حاضر بولندی حالد دوام محاکمه علیه یه
بالابتدار قرائت ایدیلان ضبط سابق مندرجاتی

(چاوشلردن محمد چاوشی تلف ایتدکاری)
(ادعا اولنمسندن طولای مطنون علیهم اولان)
(عربی محمد وزوجه سی ام کلثوم و شربتجی)
(حسنک اجرا قلنان محاکمه علیه لری)
(ضبطنامه سی صورتندن مابعد)

وادهم دخی کندوسنه برپولیس مأمورینک ویردیکی
تعلیمات وجهله وقعه کیجه سی ساعت یارم راده لرنده
پدری عربی محمد و محمد چاوش و طانیدینی بر
عسکر نفری ایله خانه لرینه کلوب طعام ایدرک
اوتوردقلری وساعت اوچ راده لرنده کندوسی
ومرقومون یاتوب والده سیده همشیره سیله طیشارده
قالدقلری وارادن بر ساعت کچدکن صکره
متهملردن شربتجی حسن برعسکر نفری ایله
بالورود کندولری او یاندره رق اوتوردقلرنده
صکره کندوسی تکرار او بودینی صره ده ایشدیکی
ایکلی اوزرینه او یاندریغنده عسکرک بریسی ایاقده
طورمقده و دیگری دخی شربتجی حسنه اوتورمقده
و محمد چاوشکده مندر اوستنده یاتمقده اولدیغی
کوروب اواشاده پدری دخی او یانه رق
نه یاپور سیکر دیدیکنده مرقومی ایتهرک یره
دوشوردکلردن صکره ایکی عسکر محمد چاوشک

طرفین تصدیق ایتدکلردن صکره متهملردن
عربی محمد طرفندن اقامه اولنان مدافعه
شهودندن موقوف عارف وزبور و محمد و عربی
عثمانک سیللیری اخلاقلندی توقیفخانه مدیرتی
طرفندن بیلدیرلش و محکومیندن صمانجی علی
وغردیان عثمان اغا کوندلش اولدیغندن بونلردن
صمانجی علی محکومیندن اولدینی جهته بلاتحلیف
وغردیان عثمان اغا بعدالتحلیف منفرداً ومواجهه
استماع اولندقلرنده مرقوم صمانجی علی بر جمعه
کونی متهملردن ام کلثوم توقیفخانه یه کتوریلهرک
زوجی عربی محمد ایله قونوشمقده ایکن
مرقومک بکاسنه قارشو مز بوره نک دخی بن سنی
بغیرحق یاقدم دیدیکی مسمومی اولدیغی افاده
وغردیان عثمان اغا دخی صمانجی علینک بوافاده سنی
تماماً تصدیق وتکرار ایتملریله متهمون مرقوموندن
عندالحاکمه وقوعبولان اخباراته قارشو نه
دیه جکلری صورلدقده جمله سی دخی افاده اولیه
لرنده اصرار و مز بوره ام کلثوم زوجی مرقومه
اخبار اولندیغی وجهله توقیفخانه ده سوز
سویلمیوب انجق سنده بنده یاندم افترا یه اوغرادق
دیمش اولدیغی علاوه تذکار ایلملریله تحقیقاتک
بوندن عبارت ایدوکی بیان اولندقده معاون
مومی الیه مصطفی افندی متهم عربی محمد

وزوجه سی ام کلثوم و شربتجی حسنک محمد چاوشی
اتلاف ایتدکاری اقرارلرینه انضمام ایدن اخبارات
ودلائل امارات ایله ثابت اولدیغندن مجرمیتلری
تحت حکمه التمسنی ادعا و وکیللردن قصابرافندی
شاهدلردن قهوه جی شوقینک محمد چاوشک وقعه
کونی اقشام اوزری قهوه خانه سنده تراش اولوب
یدنده برمندیل اولدینی حالد موکلی عربی
محمد ایله چیقوب کتدکاری خبر ویرمسنه و موکلی
مرقومک کریم سنک او اقشام خانه ده بولنمسنه
نظراً محمد چاوشک برسوء نیتله کتمش اولدینی
متحقق بولنمش اولدیغندن کین محاکمه ده قرائت
اولنان ادهمک افاده سنده ایکی عسکرک او کیجه
محمد چاوشک مذکور خانه یه کتدیکنی خبر المش
اولملریله لیله مذکورده کلوب محمد چاوشی
تلف ایتش اولدقلری تحقیق ایتش وانجق موکللری
موجب مسؤلیت اولان حاللری خانه لرنده
عسکرلر طرفندن بر آدم تلف اولدینی حالد
حکومه خبر ویرماملری وقان لکهلری سیلملری
وام کلثوم بعدالوقعه محمد چاوشک ایاقلردن
طوتدیغی عربی محمدک سویلمسی ملدملری
اولوب بوده خوفلردن ایلروکلش اولدیغی
وموکللری اقرارینه کلنجه بونلر فعل قتلك
فاعلاری اولدیغی سویلمیوب یالکتر خانه لرنده کی

درجه سنده بولديغني باليان هر ايكيسي دخی
موكللرينك براءت ذمتلرينه قرار ویرلسنی طاب
ایتملرله ولدی السؤا طرفینك بشقه برده جکلری
اولدیني اگلا شلمغله محاکمه نك ختام بولديغني بیان
اوله رق مذاکره او طه سنه کندی .

طرفینك ادعا ومدافعاتنك استماعندن واوراق
تحقیقه نك مطالعه وتدقیقندن صکره ایجاب کیفیت
لدی المذاکره متهمون مرقومون هر قدر انکار
تهمت ایتمکده و وکیللری مومی الیهامدخی بروجه
محرم مدافعه ایلمکده ایسه لرده بونلردن عربی
محمد وقعه کیچه سی خانه سنه کیش اولان طانیمدینی
ایکی نفر عسکر ایله شربتی حسن اوتورمقدلر
ایکن مجهول الاسم عسکرلردن بریسی محمد چاوشك
اکسه سندن طوتوب قفاسنی تحتیه اوردینی مثللو
دیگر عسکرله شربتی حسنك دخی مرقومك
اوزرینه هجوم ایدرك صارلدقلرندن اوج درت
دقیقه صکره مرقوم محمد چاوشی سورکلیه رك
زقاق قپوسندن طیشارویه چیقاروب مولویخانه یه
طوغری کوتوردکلرینی ومؤخرأ خانه سی دروننده
بولنان قانلری زوجه سی ام کلثمك سیلوب طاسك
ایچه الیدینی وحتی دیواره صچرامش اولان
دمی بیجاقله قازیدینی ومحمد چاوشی مرقومونك

وقوعاتی سویلمش اولدقلرینی وخصوصیه
عربهی محمدك التمش یاشنده اولدیغندن محمد
چاوش کی بر آدمی اتلافه اقتدارى اوله میه جنی
بدیهی ایدوکنی ودیگر وکیل خطر افندی دخی
موکلی شربتی حسن حقنده اولان احوال
عربهی محمد وام کلثومك پولیس دائره سنده
سبق ایدن اقرارلردن وادهم چوجفك افاده سندن
عبارت اولوب حالبوکه مرقومك موکله دخی اسناد
تهمت ایتش ایسه لرده حضور محکمه ده بو
افاده لرندن نکول ایدرك انکارجرم ایتدکلرندن
دکل بونلرك متهم اولدقلری خالده حتی شاهد
دخی اولسه لر بو افاده لرینك مقبول ومعتبر
اوله میه جغنی وادهم چوجفه کلنجه متهملردن
عربهی محمد وام کلثومك اولدینی جهته بوکیلرك
متهملرك له وعلیه نه اولان شهادتلی قانوناً
مقبول اوله میه جغنی وخصوصیه سبق ایدن
افاده سنی حضور محکمه ده جرح ایلمش وموکل
علیه نه میدانده بشقه بر دلیل واماره بولنامش
اولدینی وکرچه مضبطه اتهامیه ده موکلنك فعلی
یوز یتش دردنجی ماده سنك فقره اخیره سنه
موافق بولدینی کوسترلش ایسه ده فرض محال
اوله رق موکلنك بو فعلده مدخلدار ایدوکی تسلیم
ایدلسه بیله حرکتی اولسه اولسه معاونت

ویرمدیکی جهته بو فعله جرأت ایتدکلرینی
سویلدیکی کذلک پولیس دائره سنده اقرار
واعتراف و دائره استنطاقده دخی اشبو افاده سنی
تصدیق وتکرار ایدرك عربهی محمدك بعدالوقعه
سس چیقارمائی کندوسنه تنیه ایتدیکنه ومحمد
چاوشك اوزرنده کوش کوسکلکی ساعتی بولدیغنه
وقبونك اوکنده بولنان طاسك اوستنده بریحیدی
جرمنده قان کوردیکنه دائر تفصیلات ویرمش
اوللرینه وقهوه جی شوقینك دخی مرقوم عربهی
محمد ایله مزبوره ام کلثومك سبق ایدن اقرارلرینی
مؤید اوله رق محمد چاوش قهوه خانه سنده تراش
اوله رق متهملردن عربهی محمد قالق برابر
کیدلم دیه رك برلکده کتدکلرینی حضور محکمه ده
اخبار ایدوب ادهم چوجفك دخی مرقوم محمد
چاوشك طانیمدینی ایکی عسکر ایله شربتی حسن
طرفندن خانه لرنده اتلاف ایدیلرک نعلشی
مولویخانه قپوسنه طوغری کوتورمش ایدوکلرینی
وصکره قپونك اشیکنده و دیواره قان کوردیکی
پولیس واستنطاق دائره لرنده سویلدیکی خالده
حضور محکمه ده بوافاده سنی پولیس مأمورینك
اغفال وتعلیاته اسناد ایتسی مؤخرأ پدری
عربهی محمد ووالده سی ام کلثوم طرفلردن
ایدیلان اغفالاتدن وپدر ومادرینه اولان

جزمه ویاخود قلع ایله می جرح ایتدکلرینك
فرقنده اوله مدینغنی پولیس دائره سنده ومقتولك
نعلشی اوطه دن چیقاریلورایکن زوجه سی ام کلثومك
دخی نعلشك ایاقلردن وشربتی حسنك دخی
برطرفندن طومش اولدقلرینی دائره استنطاقده
وام کلثومك دخی وقعه کونی اقشام اوزری محمد
چاوش خانه سنه کلوب زوجنی سؤال وکلدیکی
جوانی المسی اوزرینه قهوه خانه یه کلسنی تنیه
ایدرك کتدیکندن برمدت صکره زوجی عربهی
محمد بالورود کیفیت حکایه ایتمکله قهوه خانه یه
عزیمتله ساعت اوج راده لرنده محمد چاوشله
برلکده خانه سنه کلوب اوتوردقلرینی وساعت
درت بش راده لرنده طانیمه مدینی ایکی عسکر ایله
شربتی حسن دخی کلهرک اوطه ده اوتوردقلری
و کندوسیده کوچك کریمه سیله اوطه خارجنده
بولسینی صره ده بریاطردی ظهور ایتمسینه
باقدیغنده کلان عسکرلر ایله شربتی حسنك
محمد چاوشی یوزی قپون یا تیروب اوزرینه
چوکش وبرمدت صکره سس کسپلهرک عسکرلر
محمد چاوشك قولتوقلرندن وشربتی حسن دخی
باجاقلرندن طوتوب زقاغه چیقاره رق کوتورمش
اولدقلرینی کورمکله زوجی عربهی محمددن
سببی سؤالنده محمد چاوش ساعت وپاره سنی

شفقتدن ایلر و کلدیکنک درکار بولنمسنه و محمد
چاوشک باشنده آلت قاطعه و راضیه ایله حصوله
کلمش ذرت عدد جریحه و دوداقلرنده کدمات
ویازوسنده عریض برکده وصول دیز قباغنک
اوست طرفده جزئی برجرحه مقطوعه کوریلوب
باشنه اصابت ایدن جریحه شدیددن طولایی
متأثراً وفات ایتدیکنک و مذکور خاننک
اوطه سی قیوسی اوکندکی دوشمه تحتلرندن
اوج پارچه سنک اوزرنده اثر دم کورلدیکی مثللو
متمهلردن ام کلثومک اوزرندن دخی ایچ
وطیشاروسی قانلی برحام طاسی ظهور ایلدیکنک
قرائت ایدیلان رابورت و ژورنال ماللریله تحقق
ایلمسنه و مدافعانه کلنجه کرچه قهوه چی شوقی
محمد چاوشک تراش اولوب عربی محمد ایله
کتدکریتی سویلمش ایسه ده بونک مرقوم محمد
چاوشک زنیارلک فکر و نیتیه عربی محمدک
خانه سنه کتدیکی تسلیم اولنمه چی مثللو بونی
تأیید ایدر میدانده بر حال کوریه مامسنه و اگرچه
محمد چاوشک مجهول الاسم ایکی عسکر طرفندن
قتل ایدلمش اولسه خانه سنه بیوقت اوله رق کلوب
اوتورمش اولان آدمک اسملری عربی
محمد و ام کلثوم و شربتچی حسنک بالطبع بیلملری
لازمکلوب عقیب وقوعانده کیفیتی حکومت اخبار

و وکیلان مومی الیهما نك دخی مدافماک واقعه لری
اسباب مبسوطه ایله مردود ایدو کندن مرقومونک قتل
مذکورک بالتهور مشترکاً فاعلری اولمق اوزره
عربیه چی محمد و ام کلثومک اتفاق و شربتچی
حسنک اکثریت ثلثان آرا ایله مجرمتلرینه قرار
و یریلوب اولبایده تنظیم اولنن قرارزاده علناً
قرائت اولندقدن معاون مومی الیه مصطفی افندی
مجرمتلری تحت حکمه النان عربیه چی محمد و ام کلثوم
و شربتچی حسنک قانون جزانک یوز یتیش دردنجی
ماده سنک فقره اولیسنه توفیقاً تحدید و وکیلان
مومی الیهما دخی تخفیف جزالری طلب ایلملریله
مذاکره اوطه سنه عوت اولندی .

جهت جزایه حقنده دخی ایجابی لدی التذکر
مجرمتلری تحت حکمه النان مرقومون عربیه چی
محمد و ام کلثوم و شربتچی حسنک مرتکب اولدقلری
فعل و حرکت قانون جزانک قرق بشچی ماده سی
موجبجه یوز یتیش دردنجی ماده سنک فقره
اولیسنه موافق اولدیغنه و مذکور قرق بشچی
ماده ده برجرمک مشترک فاعلری قانونک صراحتی
اولیان مواده اول جریمک فاعل مستقلى کی
مجازات اولنور و فقره مذکورده دخی برکیمسه
من غیر تعمد بر شخصی اتلاف ایتیش ایسه اون بش

سنه مدته کورکه وضع اولنور دیوحرر بولندیغنه
مبنی ماده و فقره مذکورده احکامنه توفیقاً و ابتدای
توقیفلری اولان اوچبوزیدی سنه سی ربیع الاولک
یکرمی اوچنجی کونندن اعتباراً عربیه چی محمد
و شربتچی حسنک بعدالتشهر و ام کلثومک دخی
خصوصیت حاله مبنی بلا تشهر اون بشرسنه
مدته کورکه قونلملرینه وضبط و اعلام واستنطاق
خرجلری اولان جمعا درتیوز یکرمی غروشک
دخی مرقوموندن بالتحصیل عدلیه وزنه سنه تسلیم
ایتدیرلمسنه اوچبوز سکز سنه سی ربیع الاولک
اوچنجی کونه مصادف اولان اوچبوزالتی سنه سی
نشرین ثانیسنک اوچنجی کونی متفقاً قرار و یریلوب
قانونک ارانه و تعریفی وجهله تفهیمی اجرا
واصول محاکمه جه معین اولان معاملات ایفا
قلندی .

فی ۱۶ کانون ثانی سنه ۳۰۶

طقوزنجی ماده لرینه توفیقاً مزبوره فاطمه خاتون شهر مذکورک یکریمی التنجی کونی توقیفخانه دن جلب ایله استجواب ومدافعه سنده معاونت ایتک اوزره وکیلی اولوب اولدینی سؤال اولدقدہ منتخب وکیلی بولمیدیغی سویلمکله مزبوره دعوی وکیللرندن رفیق بک وکیل تعیین وادعی مفسوخیت حقنده اولان قانون مذکورک ایکوز الی برنجی ماده سی مندرجاتی دخی اخطار قلمقله تنظیم اولتان ضبط ورقه سی تحت امضای الندی .

ادعای مفسوخیت حقنده معین اولان مدت قانونیه منقضیه اولقله اجرای محاکمه سنه مذکوره ربیع الاخرینک یکریمی برنجی کونسه قرارلشدیرلدی .

یوم مذکورده مزبوره فاطمه خاتون علی الاصول توقیفخانه دن جلب ایله وکیلی رفیق بک معذرتنه مبنی کله مدیکندن یرینه مزبوره نک موافقتیه وکیل تعیین قلنسان دعوی وکیللرندن قصابر افندی اوراق دعوائی بالمطالعه مزبوره نک یاننده اولدینی ومدعی شخصی حسین حامی بک یوم مذکورده محکمه یه کله جکنه دائر امضا

(اوچیوزیدی سنه سی ذی الحجه سنک اون)
(ایکنجی بازار ایرتسی کونی ساعت یدی)
(راده لرنده خالیجیلرده کائن حسین حامی)
(و برادری سلامی بکلرک قوناقلرینه قونداق)
(صوقدینی ادعاسیله مظنون علیها اولان غساله)
(حاجه فاطمه خاتونک اجرا قلنسان محاکمه)
(علیه سی ضبطنامه سی صورتیدر)

اوچیوزیدی سنه سی ذی الحجه سنک اون ایکنجی بازار ایرتسی کونی ساعت یدی راده لرنده خالیجیلرده کائن حسین حامی و برادری سلامی بکلرک قوناقلرینه قونداق صوقدینی ادعاسیله مظنون علیها اولان غساله حاجه فاطمه خاتونک جنایتله اتهامنه دائر هیئت اتهامیه دن تنظیم واعطا قلنسان فی ۹ صفر سنه ۳۰۸ تاریخی و اوچیوز یکریمی طقوز نومرولی مضبطه ایله استیناف مدعی عمومیلکی مأموریت بهیه سنک فی ۷ ربیع الاول سنه ۳۰۸ تاریخی و بشیک اوچیوز التمش درت نومرولی اتهامنامه سی اوراق متفرعه سیله فی ۲۵ ربیع الاول سنه ۳۰۸ تاریخنده محکمه جنایتیه تودیع اولنقله بالمطالعه اصول محاکات جزائیه قانونک ایکوز قرق سکزنجی و ایکوز قرق

ایله ثابت اولدیفندن و حرکتی ۷ ذی القعدة سنه ۸۸ تاریخی تذکره سامیه موجبجه قانون جزانک یوز سکمانجی ماده سنک علاوه سی حکمی مستلزم افعال جنایتیه دن بولندیفندن اولوجهله جنایتله اتهامنه قرار ویرلدیکنی و اتهامنامه نک مزایایسی دخی مزکور مضبطه ده مندرج اولدینی وجهله مزبوره نک متهمه بولند یغنی شاملدر .

اتهامنامه نک خلاصه سی جانب ریاستدن مزبوره یه قهیم ومعاون مومی ایسه طرفندن دخی اسباب اتهامی تفصیل وتشریح اولدقدن صکره مزبوره سویلتدیرلکده کندوسی برکون شهر امینی مرکزینه دعوت ایدیلرک وحامی و سلامی بکلرک قوناقلرینه قونداق قویش سن دینلرک زورنال ایدیلوب توقیف اولنمش ایسه ده برشیدن خبر ومعلوماتی بولمیدیغی بیان ایله دائره استنطاقده کی مضبوط افاده سی مثللو کلیاً انکار تهمت ایلدی اساس زوناللری قرائت ایتدیرلکده ماللری وقعه کونی ساعت اون راده لرنده مذکور قوناغک قابلمه تحت سنه غاز یاغی سرپیلوب وغازلی بزقونیلوب اتشلیکی حالدہ اورادن کچمکده اولان براسکیجی یهودی

ایلدیکی حالدہ ورود ایتدیکندن مدعی عمومی معاونلرندن مصطفی افندی حاضر بولدینی حالدہ علناً اجرای محاکمه بالابتدارمزبوره استجواب اولدقدہ استانلی قرق یاننده اولوب قزطاشنده برخانه ده مستأجراً اسکان ایلیرک میت غسلیه تعیش ایتدیکنی سویلمکله کندو سنه و وکیلی مومی الیه قانون مذکورک ایکوز التمش درنجی و ایکوز التمش بشنجی ماده لری مدلولاتی بعد الاخطار اتهام مضبطه سیله اتهامنامه ضبط کاتبی جمال افندی یه قرائت ایتدیرلدی .

مذکور مضبطه نک مالی مزبوره فاطمه خاتونک حسین حامی و سلامی بکلرک پیدا ایلدیکی غرض سابقه سیله مومی الیه مانک قوناقلرینک اخوری یاننده کی قابلمه تحت لرینک ارسنه غازلی بز صوقه رق وتحت لره دخی غاز یاغی سرپیرک اتشلیکی واورادن صاوشدیغی متعاقب کورلسیله سوندیرلمسندننشی وقوع حریق میدان ویرلدیکی سودجی حسنک صورت افاده وشهادتی ومزبوره فاطمه نک شهر امینی مرکزنده سبق ایدن اقرارینک قومیسر علی وپولیس ابراهیم ومحلہ امامی حاجی حافظ حسن افندیلر طرفلرندن مع القسم اخبار اولنمش

طرفدن كورمسيه سوندريلديكي واوراده
برده غازلي مشربه بولديني خبر و بيلهرك لى-
المعاينه مذكور قابلمه تحتهك بر مقدار محلى
يانديني و خيلوجه غازياي سربيلديكي كورمسي
ومذكور قوناغك اتصاليده كي احورده سود-
جيك ايدن حسن دخي وقعهدن بر ابكي ساعت
اول ششمانجه و بيوجك ممللى اوزونجه بويلى
ارقهسند مالى و اوافق چيزكي چارشوبورنك
اوجنه يقين صاغ محلهده جز شجه چيچك
بوزونغي و چارشوبك اتنده صاقل برشى وقوشاغى
محلهده بر مقدار بزاولهرق برقادينك طور مقده
اولديني سويلمسي و حامى بك دخي مرقوم حسن
طرفدن اشكالى تعريف اولنان قادين اقدحجه خانه لرنده
ساكنه اولديني خالده بر سرقت ماده سندن
طولاني دفع ايلدكلى غساله فاطمه اولديني
وحتى مزبوره كندولر ينه غرض پيدا ايدرك
خانه لرنى احراق ايدكلى بعض كسانله خبر
كوندرديكنى افاده ايلمسي اوزرينه مزبوره
جلب ايله استجواب اولندقد اولانكار ايتمش
ايسده مؤخرأ حامى و سلامى بكلك كندوسنه
ايتمش اولدقلى جفادن طولاني خانه لرنى
احراق ايتكه عيىن ايدرك خانه سندن الديني

مشربه يه اون بارهك غازياي قوپوب مذكور
قوناغك قابلمه تحتهلر ينه سربيلهرك و بولديني
بز پارچه لرنى غازليوب قابلمه آره سينه قويهرق
كبريت ايله آتشليكنى و مشربه يي يكرمى خطوه
مياقه يه بر اقديني واوراده بولمش اولان مشربه
و بز پارچه لرنى كندوسنك بر اقديني مشربه و بز
پارچه لرنى اولديني و او ائنده اكنسا ايلديكي
چارشب خانه سنده ايدوكلى سويلمكله مزبوره ك
خانه سنه مأمور كوندريلهرك مذكور بز پارچه لرنى
بكزر پارچه و چارشوب بولنوب اخذ اولنهرق
مزبوره ايله برابر باب ضبطيه كوندرديكي
بياني مشتملدر

مابعدى وار

3

اعلان

خزينه خاصه شاهانهك يعقوب بك ذمتده
ذمتده جهت كفالتدن باعلام الاجنى اولان
مبالغك تأمين استيفاسي ضمتده مديون مومى اليهك
در سعادته مرجان اغا محله سنك شاهين اغا زقاغنده
كائن اون ايكي نومرولى بر باب خانه ايله آت
پاوانده اشاغى ميدان زقاغنده يكرمى نومرولى
بر باب آخورك تاريخ اعلاندن اعتبارأ اون بش
كون صكره بالمزايده فروخته مبادرت اولنهجنى
اسكدار بدايت محكمه سى اجرا دائره سندن
اعلان اولنوره

في ۹ شباط سنه ۳۰۶

خزينه خاصه شاهانهك يعقوب بك ذمتده
جهت كفالتدن باعلام الاجنى اولان مبالغك
تأمين استيفاسي ضمتده مديون مومى اليهك
در سعادته ملا كستل محله سنده قورى چشمه
جاده سنده يتش اوچ نومرولى بر باب دكان ايله
اسكدارده يكي محلهده ارمنى كليساسى زقاغنده
يكرمى بش نومرولى بر قطعه عرصهك تاريخ
اعلان اعتبارأ اون بش كون صكره بالمزايده
فروخته مبادرت اولنهجنى اسكدار بدايت
محكمه سى اجرا دائره سندن اعلان اولنوره

في ۹ شباط سنه ۳۰۶

خزينه خاصه شاهانهك توفيق بك ذمتده
جهت كفالتدن الاجنى اولان مبالغك تأمين
استيفاسي ضمتده مديون مومى اليهك قاضى قريه-
سند عثمان اغا محله سنده بانجهلر زقاغنده بر نومرولى

کوشک ایله ینه محل مذکورده بر باب آخورك
تاریخ اعلاندن اعتباراً اون بش کون صکره بالزایده
فروخته مبادرت اولنه جفی اسکدار بدایت
محکمه سی اجرا دائره سندن اعلان اولنور .

فی ۹ شباط سنه ۳۰۶

کیوه نك اقحصار ناحیه سنه تابع قنچیلر غیر
مسلم قریه سندن وتبعه دولت علیه نك پرودستان
ملتندن بحقیقی ماردیروسك - نین سابقه اعشارینه
دینی اولان مبالغ معلومه نك تسویه سی ضمننده
قضاء مزبور مال مدیرلکی طرفندن تحت حجزه
الدیر یلان قریه مذکورده فابریقه سواقغنده بر
باب آخور وحیی دره سنده بحقی بری وکوجک
یقاده ترلا والاجامده ترلاری تاریخ اعلاندن
اعتباراً اون بش کون صکره بالزایده فروخته
تشبت اولنه جفندن طالب اولنلرک کیوه بدایت
محکمه سی اجرا دائره سنه مراجعت ایلملری
اعلان اولنور .

فی ۱۱ شباط سنه ۳۰۶

درسعادته آت پازانده اون طقوز نومرولی
آخورده ساکن اکیلی محمد اغانک مقدمه غلطده
مومخانه ده یوک عربه جیلنی ایتمکده اولوب ایوم
محل اقامتی مجهول بولسان سیواسلی کر قور ولد
بدروسك علیه نك اوغلی بدایت محکمه سی
ایکنجی حقوق دائره سنده اقامه ایلدیکی دعوی
اوزرینه مرقوم کر قوردن اون بش لیرا اوتوز بش
غروشک تحصیلی لزومنه غیاباً صادر اولان اوچیوز
طقوز نومرولی وفی ۳ کانون ثانی سنه ۳۰۶
تاریخی اعلام موجینجه حکم اولنمش ومذکور
اعلامک صورت مصدقه سی مرقومک غیبوتی
جهتله اصول محاکات حقوقیه قانون موقتک یوز
قرق طقوزنجی ماده سی موجینجه محکمه
دیوانخانه سنه تعلیق ایلمش اولدینی معلوم اولق
اوزره اعلان کیفیته ابتدار قلندی .

فی ۱۷ رجب سنه ۳۰۸

وفی ۱۴ شباط سنه ۳۰۶

النفو قادینک بک اوغلی بدایت محکمه سی
برنجی حقوق دائره سندن ویر یلان اعلام موجینجه
اندون ذمتده الاجبی بولسان مبالغک تأمین
استیفاسی چون تحت حجزه النان فنارده تحت مناره
محل سنده اولاح کلیسای سواقغنده واقع تخمیناً
قرق آرشون عرصه اوزرینه مبنی فوقانی وتحتانی
ایکی اوطه وایکی صوفه وحولی بی و قرق بش
آرشون باغچه ایله التمش آرشون بلا هوا بر
محزنی مشتمل اون نومرولی بر باب خانه نك
نصفنک تاریخ اعلاندن اعتباراً اون بش کون
صکره بالزایده فروخته تشبت اولنه جفی درسعادت
اعلامات نظامیه اجرا دائره سندن اعلان
اولنور .

فی ۱۶ شباط سنه ۳۰۶

خدیجه هرمن خانمک ۲۸/۱۱ نومرولی اعلام
موجینجه زهرا خانم محکوم به دینی اولان
معلوم المقدار مبالغک تسویه سی ضمننده قاسم
پاشاده بدرالدین محل سنده انبار آرقه سنده واقع
قرق بش نومرولی صرف ملک بر باب دکانی
تاریخ اعلاندن اعتباراً اون بش کون صکره
بالزایده فروخت ایتدیر یله جکی بک اوغلی بدایت
محکمه سی اجرا مأموریتی جانبندن اعلان
اولنور .

فی ۱۹ شباط سنه ۳۰۶

اودو کیوسک اخارون لیجی ذمتده یا اعلام
الاجنی اولان مبالغک تأمین استیفاسی ضمنده
تحت حجزه النان مدیون مومی الیهک قوز غنچقده
اسکله باشنده ایجاده جاده سنده سناخون اتصالنده
عتیق یدی و جدید اونبر نومرولی بر باب بقال
دکانک یوز بکرمی سهم اعتبارله ارنأ متصرف
اولدینی اوتوز سهنک تاریخ اعلاندن اعتبارأ
اون بش کون صکره بالمزایده فروخته مبادرت
اوله جنی اسکدار اجرا دائره سندن اعلان
اولنور .

۳۰۶ فی ۲۱ شباط سنه ۳۰۶

اجزاجی میخائل ولیسار یوسک ۳۰۶ نومرولی
اعلام موجبجه انکیلیقو وذویجه ونیقولاو واسیل
وفوطا کی یه محکوم به دینی اولان معلوم المقدار
میالغک تأمین استیفاسی چون پنا به محله سنک کوی
باشی جاده سنده یوز الی دیرت و یوز الی الی
نومرولی ایکی قطعه عرصه ده متصرف اولدینی
نصف حصه شایعه لری تاریخ اعلاندن اعتبارأ
اون بش کون صکره بالمزایده فروخت ایتدیر یله جکی
بک اوغلی بدایت محکمه سی اجرا مأموریتی جانندن
اعلان اولنور .

۳۰۶ فی ۲۰ شباط سنه ۳۰۶